

北宋五

秦少游詩集下

文典可詩集上



秦少游詩集

宋秦觀 少游甫

明潘是仁 訥叔甫輯校

七言律詩

寄題王欽之自圓庵

誅茅北戶結圓廬從事風流入畫圖珠箔粉垣藏
混沌葛巾藜杖造虛無春閣居士天花室晝靜仙
人白玉壺遙想吏行鳧鷺散沈烟一穗對團蒲

次韻酬周開祖宣義

并州令尹古人風淮海相忘十載中麗句曉披花
綽約清談初扣玉丁東追攀昔共犴犴子嗜好今
同桑苧翁所惜華船輕解絳未窺笠澤故書叢

次韻子由題九曲池

廣陵五題

蕭瑟通池闕茂林岸傍無復屬車音涵春似恨隋
家遠漲曉疑連蜀井深鬪草事空煙冉冉司花人
遠樹陰陰勞生俛仰成陳迹縱有遺音可用尋

次韻子由題蜀井

蜀岡精氣滲多年故有清泉發石田乍飲肺肝俱

澡雪反窺杖屨亦輕便炊成香稻流珠滑煮出新
茶潑乳鮮坐使二公鄉思動放杯西望欲揮鞭

次韻子由題摘星亭

迷樓舊址

崑崙左右兩招提中起孤高雉堞西不見燒香成
宿霧虛傳裁錦作障泥螢流花苑飛星亂蕪滿春
城綠髮齊長憶凭欄風雨後斷虹明處海天低

次韻謝李安上惠茶

故人早歲佩飛霞故遣長須致茗芽寒橐遽收諸
品玉午甌初試一團花著書懶復追鴻漸辨水時

能効易牙從此道山春困少黃書剗校兩三家

次韻范純夫戲答李方淑餽笋兼簡鄧慎思
楚山冬笋斲寒空北客長嗟食不重秀色可憐刀
切玉清香不斷鼎烹龍論羹未愧蓐千里入貢當
隨傳一封薄祿養親甘旨少滿包時賴故人供

次韻公闢會蓬萊閣

林聲撼撼動秋風共躡丹梯上臥龍路隔西陵三
兩水門臨南鎮一千峯湖吞碧落詩爭發塔湧青
冥盡幾重非是登高能賦客可憐猿鶴自相容

辨才法師嘗以詩見寄繼聞示寂追次其韻
遙聞隻履去脩然詩翰纔收數月前江海盡頭人
滅度亂山深處塔孤圓憶登夜閣天連雁同看秋
崖月破煙尚有衆生未成佛肯超欲界入諸禪
次韻公闢卽席呈太虛

與君鄰並共烟霞乘興時時過我家更漏一新聞
曉角門闌數級看秋花湖山對值全如買風月相
期不用賒賴有醉毫吟更苦他年分作句圖誇

寄公闢

憶昔都門手一攜春禽初向苧蘿啼夢回金殿風
光別吟到銀河月影低舞急錦腰迎十八酒醒玉
盞照東西何時得遂扁舟去邂逅從君訪剡溪

奉和莘老

童子何知幸最深久班籍湜奉登臨挾經屢造芝
蘭室揮麈常聆金玉音黃卷香焚春晚晚絳紗人
散夜蕭森明朝只恐絲綸下回首青雲萬里心

擬杜子美

紫領寬袍漉酒巾江頭蕭散作閑人悲風有意催
林葉落日無情下水濱車馬憧憧諸道路市朝衮
衮共埃塵覓錢稚子啼紅頰不信山翁篋笥貧

擬杜牧之

鼓鼙夜戰北窻風霜葉鋪堦疊亂紅一段新愁驚
枕上幾聲悲雁落雲中眼前時節看馳馬日下生
涯寄斷蓬弟妹別來勞夢寐杳無消息過江東

擬白樂天

不因霜葉辭林去的當山翁未覺秋北里酒錢煩
屢索南州詩債懶頻酌欲歌金縷羞紅粉擬插黃

花避白頭底事登臨好時節等閑收拾許多愁

題閩求仁虛樂亭三首

禪房幽構徑彎環噪鵲鳴鳩盡日閑隱几冥濛超
物表畫圖髣髴見林間塞簾雲吐池中月岸幘天
橫竹外山秋興已闌成麗句板輿時此慰慈顏
長官平昔嗜林丘僧與開亭待勝遊脩竹回環扶
碧瓦小池方折轉清流春深鷓鴣催詩句夜靜蟾
蜍入酒舟只恐政成留不得縣人空此憶常游
誰構新亭近翠微似教陶令狎天機池光引月來

簷廡竹影疏風到客衣愛酒有時攜玉笋無絃聊
自拂金徽人間此樂應無幾肯向良辰與物違

懷李公擇學士

青髮從遊各白袍老來邂逅更陶陶尺書繼月傳
雙鯉相見何時詠百勞諫草十年聊閣筆坐棠三
郡不更刀靈崖灤水堪行樂時事紛紛劇蝟毛
畫船京口見停橈蕭洒渾疑謝與陶但把好山供
勝踐不將餘論掛塵勞諫垣天下經焚草藩國年
來屢夢刀北路近傳新政美未嘗因物彊吹毛

題湯泉

滿斛泠泠注不窮，幻塵乾慧洗皆空。
法流水接諸天上，神漢香聞一國中。
金粟示爲除病惱，跋陀仍已獲圓通。
馬蹄又入風埃去，回首吳吟謝迳翁。

流觴亭并次韻

臥龍西畔北池頭，水擘華堂瑟瑟流。
幾曲漪漣盤翠帶，一峯孤秀浴蒼虬。
香囊近午清無汗，素扇生涼爽入秋。
待喚畫師來貌取，圖成便是竹溪遊。
遊龍瑞宮次程公韻次韻朱李二君見寄

東阡北陌坐淹時，偶爲高風振羽儀。
十丈蓮花開處遠，三年楮葉刻成遲。
鬢毛但速安仁老，錢粟難輸曼倩饑。
尚賴故人遙省憶，發揮春色有新詩。

睡足軒

數椽空屋枕清流，一榻蕭然散百憂。
終日掩關塵境謝，有時開卷古人遊。
鳴鳩去後滄浪晚，飛雨來初菑菑秋。
此處便令君睡足，何須雲夢澤南州。

寄孫莘老少監

一出承明七換麾，君恩復許上彤墀。
白衣蒼狗無

常態璞玉渾金有定姿天上圖書森似舊人間歲月浪如馳鼇頭只在蓬山畔行赴蟠桃熟後期

次韻馬忠玉喜王定國還自濱州

淮海相逢一解顏紛紛歲月夢魂間初驚漁艇迷花去忽認星槎拂斗還桂嶺暮登猿斷續槐堂春到鳥綿蠻石渠舊議行當復未信佳時得自閑

寄李公擇郎中

節旄淮畔脫秋風忽跨鯨魚上碧空華秀兩跗當重露文成五色在高桐江南又說衣冠盛廷右仍

瞻禮樂隆朝睨旣升淮海見濛濛雨雪自消融

次韻子瞻贈金山寶覺大師

雲峯一變隔炎涼猶喜重來飯積香宿鳥水干迎曉開亂帆天際受風忙青鞋踏雨尋幽徑朱火籠紗語上方珍重故人敦妙契自憐身世兩微茫

遊鑑湖

畫舫珠簾出繚牆天風吹到芰荷鄉水光入座杯盤瑩花氣侵人笑語香翡翠側身窺綠酒蜻蜓偷眼避紅粧葡萄力緩單衣怯始信湖中五月涼

別程公闕給事

人物風流推鎮東夕郎持節作元戎罇前倦客劉
師命月下清歌盛小叢裘弊黑貂霜正急書傳黃
犬歲將窮買舟江上辭公去迴首蓬萊夢寐中
客有傳朝議欲以子瞻使高麗大臣有惜其
去者白罷之作詩以紀其事

學士風流異域傳幾航雲海使南天不因名動五
千里豈見文高二千貢外別題求妙札錦中翻
樣織新篇淹留却馬行舊不得飛觴駐蹕前

顯之禪老許以草庵見處作詩以約之

橡葉岡頭釋馬銜區中奇觀得窮探崖空飛鼠聲
相應江靜群峯影倒涵居士碧雲裁秀句道人哀
玉扣清談偶成二老風流事不是三乘宿草庵

和孫莘老遊龍洞

葦蕭傳火度冥冥乍入清都醉魄醒草隱月崖垂
鳳尾風生陰穴帶龍腥壁間泉貯千鍾碧門外天
橫數尺青更欲仗筇留頃刻却疑朝市已千齡

寄新息王令藏春塢

令尹才高寺爲空歲時行樂與民同旋開小塢藏
春色更製新聲寫土風客向樽前忘爾汝路穿花
去失西東無言媿女今焉在桃李相傳恨未窮

次韻太守向公登樓眺望二首

茫茫浹水抱城根野色偷春入燒痕千點湘妃枝
上淚一聲杜宇水邊鬼遙憐鴻隙陂穿路尚想元
和賊負恩粉堞女已盡恍如陶侃夢天門
庖烟起處認孤村天清寒不見痕車網湖邊梅
濺淚壺分祠畔月銷可疆盡是春秋國廟食多

懷將相思試問李斯長歎後誰牽黃犬出東門

寄錢節

論月柴門不浪開命車良爲故人來茫然極目春
千里尚想愁腸日九回綠水池邊聊復爾黃梁枕
上信悠哉何時共約參寥子自擷青菁作飯材

次韻答裴仲謨

十年淮海間居草偶遣兒童次第成方愧貧家矜
敝帚忽蒙鄰壁借餘明文昌但願花前老張翰何
須身後名移病闔門參拜阻臥聽車馬去來聲

秦少游詩七卷五
卷五
九
答曾存之

環堵蕭然汝水隈孤懷炯炯向誰開青春不覺書
邊過白髮無端鏡上來祭竈請鄰聊復爾賣刀買
犢豈難哉故人休說封侯事歸釣江天有舊臺

春日寓直有懷參寥

觚稜金爵自昭曉藏室春深更寂寥捫虱幽花歛
露葉岸巾高柳轉風條文書几上鬚髯變鞍馬塵
中歲月銷何日一筇江海上與君徐步看生潮

答閻求仁謝參寥于溫訪於墳所

老漚城西木半摧崑崙岡下路新開故人此地銜
憂去禪客他時問疾回聞爲樹風增永感却因水
鳥證西來已謀寒食鷗羸馬細聽清談動玉哀

與鄧慎思沐於啟聖遇李端叔

羸兵瘦馬犯黃塵自笑區區夢裏身不是對花能
伏老自緣無酒可澆春校書天祿陪群彥晞髮陽
阿遇故人三百六旬如此少更添香火坐逡巡

燕觴亭

碧流如鏡羽觴飛夏木陰陰五月時清渭日長遊

女困武陵春去落花遲玉笙吹罷觥籌錯密炬燒
殘簪珥遺吳越風流公第一未輸山簡習家池

會蓬萊閣

冠裳蓋坐灑清風軒外時聞韻籜龍人面春生紅
玉液銀盤烟覆紫馳峯天涵秋色山山共樹覺鄉
思葉葉重便欲買舩江北去爲懷明德更從容

秦少游詩集

宋秦觀

少游甫著

明潘是仁

訥叔甫輯校

七言絕句

春日三首

袂衣新著倦琴書散策池塘返照初翠碧黃鸝相
續去荇絲深處見遊魚
春禽葉底引圓吭臨罷黃庭日正長滿院柳花寒
食後旋鑽新火爨爐香

金屋舊題煩乙子蜜脾新採賴蜂臣
蜻蜒蛺蝶無情思隨例顛忙過一春

早春

黃金簌簌滿垂楊尚有春寒到畫堂
酒力漸銷歌扇怯入簾飛雪帶梅香

無題

掃地燒香閉閣眠簾紋如水帳如煙
客來夢覺知何處挂起西窻浪接天

金山晚眺

西津江口月初弦水氣昏昏上接天
清渚白沙茫不辨只應燈火是漁船

雪上感懷

七年三過白蘋洲長與諸豪載酒游
舊事欲尋無處問雨荷風蓼不勝秋

春詞絕句五首

蒲萄裊暖蕙薰微紅日窺軒睡覺時
人倦披衣雙燕出青絲高罨木蘭枝

弱雲亭午弄春嬌高柳無風妥翠條
懶讀夜書搔

短髮隔垣時聽賣餠簫

都城春富百花披長意人歸駐馬時淺色御黃應
好在爲誰還發去年枝

風驅白雨洗園林蔽地飛花一寸深狂紫浪紅俱
已矣老春雖在一何心

顛毛漸脫風情少匣劍空存俠氣銷人遠地偏無
酒肉春深花鳥謾相撩

呈李公擇

青箋擘處銀鈎斷紅袂分時玉

懸雲脚漸收風

色緊半規斜日射歸船

賞酴醾有感

春來百物不入眼唯見此花堪斷腸借問斷腸緣
底事羅衣曾似此花香

首夏

節物相催各自新癡心兒女挽留春芳菲過盡何
須恨夏木陰陰正可人

照閣

獼猴鏡裏三身現龍女珠中萬象開未若此軒人

散後水光清泛月華來

睡足寮寄震鼎二弟

與物無管但欲眠客來從笑腹便便秋生淮海涼
如水得句還應夢阿連

春日

幅巾投曉入西園春動林塘物物鮮却憇小庭纔
日出海棠花發麝香眠

秋日

霜落邗溝積水清寒星無數傍船明菰蒲深處疑

無地忽有人家笑語聲

月團新碾淪花甕飲罷呼兒課楚詞風定小軒無
落葉青蟲相對吐秋絲

連卷雌蜺掛西樓逐雨追晴意未休安得萬粧相
向舞酒醺聊把作纏頭

次韻子由召伯埭見別二首

孤蓬短榜沂河流無賴寒侵紫綺裘召伯埭南春
欲盡爲公重賦伴牢愁

青熒燈火照深更逐客舟航冷似冰到處故應山

秦少游詩集卷六
作主隨方還有月爲朋

還自廣陵

邦溝繚繞上雲空坐阻層冰不得通
賴有東風可人意爲開明鏡玉奩中

天寒水鳥自相依十百爲群戲落暉
過盡行人都不起忽聞水響一齊飛

陰風一夜攪青冥風定霏霏霰雪零
遙想玉真清境上白虛光裏誦黃庭

夜深樓上撥書眠天在欄干四角邊
風拂亂雲臺


髮盡獨留壁月向人圓

天風吹月入欄干鳥鵲無聲子夜闌
織女明星來枕上了知身不在人間

本是匡山種杏人出山來事碧虛君
上清欲問因何事請看先山十丈文

秦少游七絕
卷六

五



文與可詩集目錄

第一卷

古樂府

送李道士

玉女

塘上行

釣竿

野田黃雀行

大垂手

起夜來

拾羽曲

水邊春半

秦王卷衣

臨高臺

苦熱行

巫山高

採蓮曲

白頭吟

芳樹

王昭君

四首

劉生

紫騮馬

五原行

去陵

秋望

右臨高

送人

第二卷

五言古詩

曉入東谷

孫知微畫

貧居

鑑崖

讀楊山人詩

謝惠橘

玉峯園

訪李與山人隱居

續青城山

昭慶觀

香積寺

關碧亭

醉經庵

送李道士

山雨

遣興二首

寄何首烏允與友人

新晴山月

登山亭

送李道士歸

吾友務深有歎

新晴望北山

送竇僉判同年

雋老水墨

晉銘

謝楊侍讀惠端溪

閩鄉值風

夜發散關

宿山寺

正女吟

織婦怨

謝任瀘州

靜中吟

寄彰明

問陳彥升

積雨

大熱過散關

秋居覽景

彥思示望南山

二里溪濯足

白鶴寺北軒圍碁

梁信羯鼓小圖

自君之出矣

東門行

釣竿

俠客行

起夜來

吳趨曲

黃功垂秘書嵐城閣

秋興

第三卷

七言古詩

採藥歸晚

晚至村家

雨過側調

送牟太素山人

子瞻戲子由

依韻和子瞻遊孤山

再和

平雲閣觀雨

北園梨花

自斜谷第一

采芡

寄題閬州開元寺

寄題密州蘇學士

北送客處也

往年寄子平

詠竹

詠石

嘉川

許中正捕龍雷

晚秋煙波

蒲生鍾馗

折楊柳

第四卷

五言律詩

田舍

春閨

永泰劉令清曦亭

送夏殿直

宜祿昭仁寺後軒

寄楞嚴大師

墅居

面川亭

臨闌閣

野逕

題鳳凰山後巖

晚興

晴步西園

北園避熱

入谷馬上

東谷茅齋

閒遣

送郭經知縣

過祿氏山齋

梅

宿雲屏山寺

寒夜

寄景遜

稠桑見荆山

田舍

庶先北谷

前溪獨遊

第五卷

七言律詩

和子山春日

和仲蒙夜坐

明教院

金桃

讀淵明集

閱史感事

吳公惠酒因謝

依韻和張推官元夕

題何靖山人隱居

題兜率寺

和張推官荔枝

寄張郎中

龍圖

觀音院怪松

江原張景通

送王恪司門知絳州

送蒲霖中舍

送劉立之著作

答馬子山

紅樹

後溪晚步

早晴至報恩山寺

楊山人歸綿竹

二色芙蓉

洗竹

贈李仲祥道士

賀陳基載重陽日

第六卷

五言排律

謝人寄蒙頂新茶

十月梅花

第七卷

五言絕句

蓼嶼

野人廬

連點七

泥滑滑

提葫蘆

李堅甫淨居雜題

右靜居

右靜叟

右琴室

右碁室

右書齋

右畫齋

右春軒

右秋軒

右竹軒

右檜軒

右水亭

右退庵

右北堂

春山

秋山

景遜以詩招基因答

初入二里

寇君玉郎中大蠲

黃筌鵲雛

崔白敗荷折葦寒鷺

第八卷

六言詩

推琴

湖橋

流水

聞道

衰後

車軒

自詠

獨坐

報國

自悟

鷺鷥

蓮子

翡翠

朱槿

青鸛

北岸

第九卷

七言絕句

上亭北軒

亭口

郡學鑠宿

中梁山寺

送王存之

詠柳

正月八日

過大散寄子駿

偶題

鄧隱老木寒牛

中秋月 二首

太常致齋閑書寺壁

飛仙石溪

籌筆諸峯

天漢橋

此君庵

苗菴亭

篔簹谷

文與可古樂府

宋文同與可甫著

明潘是仁訥叔甫輯校

古樂府

送李道士

雲離離兮風溲溲羣山空兮萬木凋水滉瀆兮大
野平天沈寥兮新霜晴送先生兮歸鵝池晨霞鮮
兮明羽衣乘青騾兮度南岡荷瓊笈兮秘雲章先
生去兮來何時上三嵎兮余之思閑居靈崑兮摘

文與可樂府卷一
錦詞有鶴可使兮其致之

玉女

艷明霞兮體霏煙秀婉嫵兮靜嬋娟如龍之矯兮
鳳之翩倏見光景兮忽自還乎杳然宅幽宮兮閔
靈困領羣娣兮司寶泉福斯民兮千萬億年享豐
祀兮期終山

塘上行

寒塘漲新雨灑灑翠波滿沙晴步聲澁風引羅帶
緩蒲牙妬舌利荷葉歡心卷生平玉衣夢至此神
亦誕徒誦小星篇無人覺腸斷

釣竿

霜刀裁綠筠桂餌掛輕縉歛迹天地間側身江海
濱悠悠寶帳夜寂寂烟波春何時投竿歸再與君
子親

野田黃雀行

搥鼉鏗鯨宴瑤臺紅鷗弄翼春徘徊和風入坐賓
主樂金觥玉豆天中來勸君劇飲莫自訢暗中光
景能相催試看庭前好花謝枝下落多枝上開人

生不厭苦行樂勿用蹶促相驚猜賢愚貴賤各有
命此理悟者真賢哉

大垂手

華堂合樂轟春晝鳳叫龍嘶畫鼉吼瓊猊壓地開
組繡美人舞兮獻君壽紅婆娑兮翠蚰蟻雪翻花
兮風入柳曳輕裾兮揚綵綬金鸞飛兮玉麟走入
急破大垂手香檀扎扎江雨驟情凝力定方舉袖
烟收霧歛曲徹後錦盈車兮珠滿斗

走夜來

曉牕明綠紗蜀錦壓春卧橫腮虎魄冷驚起新夢
破玲瓏轉條脫縹緲梳矮墮高軸響銀床時誤君
車過

拾羽曲

新羅研紅裙禡齊綵縷刺衫花倒提新晴暖日麗
烟草金獸齧鎖藏春閨朱橋逼江曉沙白錦帶交
風大堤窄蘭洲遺翎得殘碧歸來驚飛上嬌額

水邊春半

芹芽差差蘭笋短石渠冰銷水色淺倡情冶思不

可柰好鳥間關花婉婉鮮衫翠裾者誰氏行歌楊
枝惜時晚臨流有客抱危膝苦調長謠問誰遣

秦王卷衣

咸陽秦王家宮闕明曉霞丹文映碧鏤光采相鈞
加銅螭逐銀猊壓屋矜蟠拏洞戶鎖日月其中光
景賒春風動珠箔鸞額金窠斜美人却扇坐著落
庭下花開弄玉指環輕冰扼紅牙君王顧之笑爲
駐七寶車自卷金縷衣龍鸞蔚紛葩持以贈所愛
結歡期無涯

臨高臺

臨高臺望故鄉地千里天一方極目外空茫茫孤
雲飛不我將安得羽翼西南翔

苦熱行

黃人頓駕留天中金鷄吐火燒碧空炎光染雲聳
岌岌早氣爍土飛蓬蓬龍搖乾胡不作雨虎裂渴
吻無生風安得有術擘海水入底一扣鮫人宮

巫山高

巫山高高凝凝烟十二碧簪寒插天危崑絕壁已

飛動況復不壓萬丈之蒼淵波衝浪激作深井虎
眼徹底時一漩長風傾湧發灑瀨惡色怒勢因誰
然我欲截中流虹梁莫得施螭蜃東西相遠望不
到兩目欲斷心將穿回看高唐廟下灑靈雨遣我
歸意常翩翩

採蓮曲

綠纈襠紅繡裳衫盤蜂蝶裾鴛鴦雕瑰錯寶垂鬢
長紫冒翠蓋行新粧踟躕曲堤下回塘盡撓送入
波中央羅袖卷起金釧光搖輕撼脆敲短芒丹瓊

緝玉低復昂霑裊薄粉撲嫩黃蠶腰蛛腹絲颺揚
列坐綵舫求比方笑聲吃吃動明璫挨蒲拂蓼次
岸旁風吹落霞供晚涼西城鷓鴣啼女墻歸來索
酒酌滿觴吳屏蜀帳圍象床因卧不起燈燭張琉
璃盞缶叢生香

白頭吟

憶昔宴華堂金徽導幽意雖知取名賤越禮奉君
子相期本同穴誰復耻犢鼻一見茂陵人烟霄與
泥滓願言保新愛妾以甘自棄恩義薄所終多生

於富貴

芳樹

庭前有芳樹穠陰滿軒碧莫惜更携酒醉此青春
色朝來見鷓鴣飛鳴繞其側光景不可留徒遣君
歎息

王昭君

四首

不惜將黃金爭頭買顏色妾親自可恃誰能苦勞
力

絕艷生殊域芳年入內庭誰知金屋寵只是信丹

青

幾歲後宮塵今朝絕國春君王重恩信不欲遣他
人

極目胡沙滿傷心漢月圓一生埋沒恨長入四條
絃

劉生

歷古推任俠彼劉生者何提搥擊朱亥引劔刺荆
軻飲肆扶頭出歌樓掉臂過無人繼義勇關隴氣
消磨

紫騮馬

翩翩紫騮馬爛爛黃金鞍流水四蹄急飛星雙目
寒擁頭青玉鉞蔽臆綵絲鞞誰取交州鼓摸將骨
去看

五原行

雲蕭蕭草搖搖風吹黃沙昏沉寥胡兒滿窟卧寒
日卓旗繫馬人一疋夜來烽火連篝起銀鶻呼兵
捷如鬼齊集弓刀上隴行犬譟狐嗥繞空壘羗人
鈔暴爲常事見敵不爭收若雨自高聲勢叙邊功

歲歲年年皆一同將軍玩寇五原上朝廷不知但
推賞

去陵

度龍從兮外岑峯宛詰竭兮辞高而謁深望巉嶮
之危堞兮隱重闔于幽林石塗齶齶而直注兮盤
苔磴乎千尋問守居之何所兮凌絕壑而繚層巒
欄廡鬱其紆紉兮觀閣緣乎孱顏嗟余胡爲棲此
兮日儔伍乎群山歲月淹其兩周兮悵何時而當
還焯兮赫懔兮慄若寐之覺兮疾而復承詔易守

漢上兮幸旋轅于夷陸側身東望兮掣余思而太
息山中不可以久留兮無四時而蕭瑟

秋望

愴疑立兮臨曾顛極延迤兮睇遙川杳營營兮其
何之馳滉漭兮浮寥然彼美人兮在一方望泊鬱
兮蔽雲煙期將邁兮殫所思念莫致兮勞且捐零
露濛濛兮促其歸灑涕淚兮紛如泉

右臨高

念子將歸兮于嵩之陽彼山之中宅群僊兮欣得

子而翱翔冠芝英兮佩蘭芳躡蹕蹕兮服熒煌執
瓊笈兮披錦囊遡天風兮誦霞章神君揖兮登寶
牀玉女進兮奉瑜觴予浩歌兮頌靈休瑤瑟差薦
兮相與子之獻酬客下緱嶺兮飄霞旒人來穎陽
兮駕琳輶蟠桃春兮白榆林雲開月皎兮桂嶺之
幽子之樂兮千萬億年下視此世兮不肯還猿嗥
鶴哀兮悅恟乎空山相望何所兮杳莫可攀

送人

風寥寥兮黃葉飛黯栗冽兮寒滿衣歷歎嶽兮山

逕微背晨霞兮送子歸子之居兮錦水湄樂莫樂
今奉庭闈凝流塵兮掩瑤徽知此音兮天下希

文與可詩集

宋文 同 與可甫 著

明潘是仁 訥叔甫輯校

五言古詩

曉入東谷

振纓効王官釋耒去鄉縣十年始還此景物覺盡
變東谷素所愛乍到若創見烟雲引晨策數里入
蔥蒨明霞照溪口花草露初泫長松盤高岡竦竦
擢秀幹垂陰雜羣木上欲接霄漢柔羅互鈎鎖攬

地走荒蔓修篁揭其間萬個挺若箭登臨愴舊歷
眺聽悅新翫讀書破茅蘆徑狃已漂斷唯餘舍南
水尚吐石竇濺潺潺落危壑袞袞引飛練臨流濯
塵襟照影實覲面功名竟何所旅跡轉孤賤引手
謝猿鶴深慙爾驚怨

孫知微畫

太古奇偉士精思獨於畫馳心入茫昧萬物赴揮
灑當時一名重顧陸非爾亞卓哉青城筆妙絕冠
天下寥寥九天仗一一若神寫吾恐千載後是終

無繼者

貧居

繩牀擁敝裯初起髮未櫛南牕展書卷就暖讀寒
日門前絕車馬薄暮垂片席短牆挂織蔓幽鳥啄
紅實羣蝸惡積雨繚繞篆空壁男兒處貧賤舉首
宇宙窄翩翩翻槍榆鳩宛轉匿絮蟲妻孥競相笑
憔悴守文筆

鑑崖

層崖瑩青瑤冷滑不可捫秋光發淨照林影搖晴

文與可五古 卷二
二
噉飛瀑滌吟肺垂蘿清飲魂惟憂漬愁霖碎蘚來
相痕

讀楊山人詩

秋高羣山空衆籟吐天竅霜颯擊林野岩壑起哀
踟蕭蕭寒月下合若萬鬼嘯疑是太古魂幽幽此
中吊山人住中巘側耳得清峭譜之入文字滿卷
冷雪照其聲太淒楚勁澁皆古調俗尚正淫靡惑
者自夸耀山人持之歸無乃取衆譙會有知此音
相逢當一笑

謝惠橘

緗葉隱朱實纍纍楚江滋寒香摘清露奔走寄迢
遞琳腴滿金殼咀嚼想佳惠君未致此時風已吹
削肺

玉峯園經春不得一過因成詩呈同官約遊
春來少嬉遊俗事日相耗南園只城外累月不一
到花香雨後歇樹色風中老惟有崑下泉猶能滌
幽抱

訪李奩山人隱居

文與可五古 卷二 三
多暇無所適故來尋隱君
舉開壓屋樹觸散擁門
雲狀貌不妨古言談何太文
令人重高趣歸去每
斜曛

續青城山

昭慶觀

琳崖盤玉霄彩翠接步武
雲霞不可畫泉石固難
譜神幢逾百尋帝轍歷萬古
靈瀑誰與窮長飛六
時雨

香積寺

道陰轉詰曲山深愈嶮峻
行松耳目清入竹襟袖
寒殿閣紅芙蓉崑巒巒碧琅玕
高僧把金字擁衲對
雲看

闕碧亭

雨餘山景鮮風定水光好
晴陽破宿霧秀色濃可
掃平時一樽酒野客共傾倒
朝暮山水間年華不
知老

醉經菴

垂茅緝爲庵有類穹廬形
之人伏其中日醉乎羣

文與可五古 卷二
經世俗安爾知但謂長不醒寄此語二豪渠非彼
劉伶

送李道士

先生若孤雲兩在隆山見清標瘦彌聳秀骨老愈
健高談吐深詣大句寫精鍊忽起憶鵝池品飛石
泉濺

山雨

山雨灑春城漶漶聲頗急牕下讀書人橫編揭陰
濕高鳶餓獨叫遠燕寒雙入南園有桃杏盡抱羣

稍泣

遣興二首

惻惻抱伊鬱試此登崔嵬陰風吹繁雲黯黯蒙泰
霄關河眇無際節物何蕭蕭過鴈安所之驚哀翻
沈寥幽懷澹如失隨此羣草凋嗟予生胡爲迹玷
明盛朝服職詎云補赧然綴羣寮感此四序遷一
昏復一朝寒霜入兩鬢漸積不肯消良辰垂所遇
慨歎心魂飄賤稟迂且介於時信無庸欲適閔所
之此道當何從富貴諒非有僻陋知可容豈不媿

上恩耗此金與鍾昨歸得此州滿眼皆亂峯事物
固瑣碎敢茲任頑慵報國祇自明惟神謀其胸

其二

少小事編簡淵源極沿洄不自測其深津涯信悠
哉旣長務修省日以德義培一匱取中畫期之至
崔嵬振纓仕明庭鴛鴦忝遊陪蹇修無嗣者誰可
吾與媒吐艷落晚春鶯鶯然抱枯荻因人實自耻寂
寞余敢哀何當清冷泉襟裾濯氛埃故山有松菊
待賦歸去來

寄何首烏丸與友人

此草有寄効嘗聞於習之陵陽亦舊產其地尤所
宜翠蔓走崑壁芳叢蔚參差下有根如拳赤白相
雄雌斲之高秋後氣味乃不虧斷以苦竹刀蒸曝
凡丸爲夾羅下香屑石蜜相和治入臼杵萬過盈
盤走纍纍日進豈厭屢初若無所滋漸久覺膚革
鮮潤如凝脂旣已鬚髮換白者無一絲耳目固聰
明步履欲走馳十年親友別忽見皆生疑問胡得
爾術容貌曾莫衰爲之講靈苗不爲世俗知蓋以

多見賤蓬藿同一虧君如聽予服此語不敢欺勿
信柳子厚但誇仙靈脾

新晴山月

高松漏疎月落影如畫地徘徊愛其下及久不能
寐怯風池荷卷病雨山果墜誰伴予苦吟滿林啼
絡緯

登山亭

登臨平楚外徙倚夕陽間歸鳥亂飛葉暮雲凝遠
山行知筋力倦愁欲鬢毛斑坐久成搔首疎慵好

強顏

送李道士歸

先生狀貌古瘦健若老鶴秋風唳清霄寒響滿寥
廓一腹冰雪詞勿爲俗人作便可住鵝池乾外守
崑崙生

吾友務深有歎琴之什運使子駿答之佳章
務深亦使余繼作

白水滿方湖山中好秋色逋翁促瑤軫來坐湖水
側臨風起高調此興浩無極波靜戢游鱗雲空矯

飛翼蕭條變林野萬籟一以息且莫緩商絃令人
沐柳臆

新晴望北山

西風吹北山曉日曬新雨嵐光登巖岫草木紛可
數翠壁倚萬丈白雲橫一縷待訪餐霞人斯游欲
誰與

送竇僉判同年

冰霜滿清漢此地送君歸天涯作遠別懷抱殊依
依短亭臨灤水楊柳長條稀道傍有寒梅幽香撲

人衣折以持贈君愛之含春暉酒罷不可畱晚鴻
隨馬飛

雋老水墨

之人勃海後所尚亦瀟灑不承春秋學乃好水墨
畫鵝溪吾鄉里有絹滑如砑君凡幾多筆爲我禿
數把

晉銘

長安鬻碑者遺我古鼎銘不知其所來有眼實未
經凡百十九字詭怪摹物形縱橫下點畫不類子

文與可五石齋卷二
與丁試考諸傳說其源已冥冥瑄石鼓文氣韻殊
飄零始皇嶧山碑骨骼何矜嶢我恐鬼哭時正
爲此物靈安得不从神提去詢太庭爲我譯其辭
讀之駭羣聽

謝楊侍讀惠端溪紫石硯

學文二十年語氣殊未成所以文房中四譜無一
精豈不願收貯恐竊好事名自愧中槁然敢假外
物榮前日下秘閣謁公來西城公常顧遇厚待以
爲墨卿延之吐佳論出口無雜聲語次座上物硯

有紫石英云在嶺使得渠常美其評
手自封
見授囑所擎倉皇捧以拜其喜懷抱盈歸來示家
人衆目歡且驚言並我所有瓦礫而瑤瓊貴價市
珍煤風前試寒泓磨知密理潤點覺浮光清洗濯
鑑面瑩彈扣牙音鏗遂剪十襲布加以重篋盛客
來有欲觀稍俗不敢呈願傳之子孫更重金滿籛
作詩敘嘉貺慙比毫毛輕

閩鄉值風

烈風吹華陰古槐若長呼高沙起黃磧四望如一

鋪上馬低便面據鞍兀長途日晚過潼關行客亦
已疎守吏索姓名沸亂如蟲蛆兩目不可開說之
使自書夜至閔鄉縣僮僕相欬歔困定卽洗濯泥
土捫短鬚草草具盤餐零落飯與蔬恨無姜少府
爲膾黃河魚

夜發散關

風吹古關口萬木響如裂淒涼異鄉客騎馬關下
月板道霜鑿鑿石梁溪咽咽怪來曉寒重御愛山
頭雪

宿山寺

高峯浮雲際古寺高峯上秋色已瀟灑雨後益清
曠坐隨明月轉吟伴寒蛩響待曉出松開幽襟謝
嘉貺

正女吟

身外無一簪何以供鉛華飾行不飾容濁水白藕
花藕心亂如絲妾心圓如珠絲亂端緒多珠圓瑕
類無焉得偶君子奉之此高節所生雌至親此意
安可說

織婦怨

擲梭兩手倦踏籜雙足趼三日不住織一疋纔可
剪織處畏風日剪時謹刀尺皆言邊幅好自愛經
緯密昨朝持入庫何事監官怒大字雕印文濃和
油墨汚父母抱歸舍拋向中門下相看各無語淚
迸若傾瀉質錢解衣服買絲添上軸不敢輒下機
連宵停火燭當須了租賦豈暇恤襦袴前知寒切
骨甘心肩臂骨踞門限叫罵嗔納晚安得織
婦心變作監官

謝任瀘州師中寄荔支

有客來山中云附瀘南信開門得君書歡喜失鄙
吝筠簋包荔子四角具封印童稚嘗聞之羣來立
如陣競言此佳菓生眼不識認相煎求折觀顆顆
紅且潤衆手攫之去爭奪遞追趁貪多乃爲得廉
耻曾不啓喧鬧俄頃聞咀嚼一時盡空餘皮與核
狼籍入煨燼

靜中吟

客去復掩戶高松下清陰微風動其間對語雙珍

禽幽人獨凭几聽此古意深起來南牕下被以朱
弦琴彈之代佳話裏耳誰知音

寄彰明任光祿遵聖

軒軒任公子本是釣鼇人手把虹蜺竿一舉百萬
釣得鼇謂無用坐卷千丈綸却自絳蚯蚓淺瀨收
纖鱗悠悠世上兒不識此有神但將俗士眼下視
窮水濱

問陳彥升覓古瓦硯

魏主用外力構彼銅雀臺當時臺上瓦百澄爲一

坯燒成比堅玉翠甲橫崔嵬西陵旣歸後此地日
以摧後歷典午朝羣雄力相逐茲臺旣已傾此瓦
只自堆歲久岸谷變埋沒深蒿萊初誰得耕人劔
之研松煤其理密且潤端歛真可咍彥深所有者
一一皆珍材自言欲構時經歲無一枚琴紋與錫
花此乃如瓊瑰前日秘閣下重匣手自開示我者
佳絕恰用一樸裁形模甚古野用可資怪魅歸來
作詩乞願致無遲回

積雨

京師值積雨浮淖皆滿城况當洶决時左右羅深
院有客南河居旦夕隄上行病僕挾羸馬十步八
九傾職事有出入長抱落膽驚都人素豪怒小官
常見輕排闥要穩道斂避不敢爭試欲效呵止圓
目根姓名往往被濺汚直落舌與晴歸來事洗濯
袍袴紛縱橫仰首問天公春澤當早晴幸有好日
月何惜施光明

大熱過散關因寄里中友人

六月日正午大暑若沸鑊時行大關道十步九立

脚煙雲炙盡散樹木曬欲落喉鼻喘不接齒舌津
屢涸檐血僮破領鞍汗馬濡膊幽坑困猿狖密莽
渴鳥雀至此因自謂胡爲就名縛所利緣底物奔
走昌炎惡塵心日夜迫欲住不能略因念吾故園
左右悉林薄昔我未第時此有文酒樂長松借高
蔭飛瀑與清濯層崖對僧詠大石引客酌畏景雖
赫然無由此流爍于今只夢想欲往途路邈所效
殊未立期歸尚誰約徒爾發短歌西首謝巖壑

秋居覽景因感所事

閑居閉窮巷拙者誠所宜掩書坐前楹默與天理
期是時新雨收物物含秋姿疎簷正殘日曲几方
涼颺群雀下空堦逐逐顧且隨微蟲出幽隙繞繞
行復飛疎篁挺堅勁不並草木衰叢蘭吐芬芳豈
畏霜露知觀此動與植一一全天資因念物稟生
有性各異持夫人為靈者仁義實所尸胡為智巧
役所有日夜隳不能保其元妄事紛擾為汲汲以
就死所耗無纖釐還本既不完何用冠且衣余因
激所遇攬筆成此詩庶哉學者心讀已而悟茲

彥思示望南山詩因答

余於岐雍間屢走官道上終南百里近不得迂馬
訪徒常飮雙眼引首旦夕望群巒突天起氣勢頗
豪王余名愛山者所見亦無量嵩華最魁傑詩之
豈會讓至此覺才弱不敢輒名狀世謂秦土強捨
是孰為此彥思奇偉士雅志同所尚近自山中來
滿幅以詩貺凡是山勝絕鈎骨付心匠驅聯以
語句度實奔放豁若展圖畫壓紙千萬嶂讀之未
云徹早自肝膽喪試欲効其說無迹可依倚坐見

山所有已若一携杖何當俯清澗解帶濯塵埃掉
手入巖谷琴樽樂幽曠浩漭入極大冥心恣飄颺
此意殊未諧臨風一悽愴

二里溪濯足

暑氣沉晚樹晴光滿遙川下馬古道側濯足清溪
邊勝事樂水石幽懷託雲煙還來振衣起回首徒
怏然

白鶴寺北軒圍碁

祇園隱城內開軒極幽邃日影轉不到居常抱秋

氣余茲度炎燠一局忘萬事擾擾門外人誰知此
中意

梁信羯鼓小圖

高悟間垂楊玉宇極清遠三郎當殿坐左右擁佳
麗攏毬近香案蹲獸吐碧穗寶几承畫控續紛交
絲袂花奴卷雙袖俛立前奏技君一之笑軒廡
動和氣誰謂一尺素寫遍天上意聽者定何如觀
之猶解穢

自君之出矣

自君之出矣，弔影度晨夕。中門一步地，未省有行迹。閨闈足儀檢，常恐犯繩尺。欲寄錦字書，知誰者云前。

東門行

士有失所偶，難甘蓬蓽微。拔劍出東門，感憤不顧歸。賢哉彼嘉匹，逐逐牽其衣。願同此饘粥，節義安得違。況今調清世，不可復爲非。

釣竿

霜刀裁綠筠，挂餌掛輕緝。歛迹天地間，側身江海

濱。悠悠寶帳夜，寂寂烟波春。何時投竿歸，再與君子親。

俠客行

紫髯圍碧瞳，勇氣炙坐熱。生平脫鞴羈，少小服義烈。堂堂吐高論，牙齒若嚼鐵。寶劍壓脛橫，誰耻我。可雪酣歌入都市，當面洗入血。常言荆軻愚，每笑豫讓拙。事已不受謝，門前車馬絕。自謂取功名，焉能由筆舌。

起夜來

曉牕明綠紗蜀錦壓春臥橫腮虎魄冷驚起新夢
破玲瓏轉條脫縹緲梳矮墮高軸響銀床時誤君
車過

吳趨曲

萬頃平湖水晴光射早霞紅裙鬪畫楫相結採荷
花

又

蕩漾水中身徘徊岸邊馬相看兩不語密意待誰
寫

黃功垂秘書嵐城閣

群峯繞高軒四望如城密晴嵐逼牕戶淨若新洗
熨杳杳其中人衣襟照寒碧臨風設橫几瀟灑坐
終日門前車馬道擾擾亂如蝨轉眼不復觀長歌
傲簪紱

秋興

晨風吹茂林夕露下芳畹秋容變憔悴復此白日
短蕭蕭歲華暮冉冉節物換浩歎倚前楹使我心
曲亂

文選可云百
卷二



